

# INUIT ATAQATIGIIT

## INATSISARTUNI



Nuuk 27. april 2016

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga.

### Apeqqutit:

- 1. "Umiatsiaaqqamik aalisarsinnaanermut akuersissutilik aqutsiveqarfinni Qeqertarsuup Tunuani, Uummannami Upernavimmilu qaleralinniarsinnaasoq, sumiiffimmi 47-mi pineqartartumi, Kalaallit Nunaata sinnerani, sumiiffimmi 46-mi pineqartumi, umiatsiaaqqamik qaleralinniarsinnaanermut akuersissummik tunineqarsinnaanngilaq. " Taamatut killiliineq sunik tunuliaqutaqarpa?**
- 2. "Umiatsiaaqqamik sumiiffimmi 46-mi aalisarsinnaanermut akuersissutilik, sumiiffimmi 47-mi umiatsiaaqqamik qaleralinniarsinnaanermut akuersissummik tunineqarsinnaanngilaq." aammalu "Sumiiffimmi 46-mi umiatsiaaqqamik aalisarsinnaanermut akuersissut, umiatsiaaqqamut sumiiffimmi saarullinniarsinnaanermut akuersissutaalersitsivoq." Taamatut aalajangersaanermi suut tunuliaqutarineqarpap?**
- 3. Nalunaarut allangortinneqannginnerani Naalakkersuisunit aalisartut tusarniaaffigineqarsimappat?**
  - a. Taakku tusarniaanermi qanoq oqariartuuteqarpap?**

(Inatsisartuni ilaasortaq Hans Aronsen, Inuit Ataqatigiit)

### Tungavilersuut

Kingullermik qaleralinniarsinnaanermut akuersissutinut nalunaarut "Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 8, 8. april 2016-imeersoq" allangortinneqarmat qaleralinniat aqutsisoqarfiit 46 aamma 47-imi ataatsikkut qaleralinniarsinnaajunnaatitaapput. Taamatut aalajangiinermut toqqammaviusut tusarusukkakit naalakkersuisunut apeqquteqarpunga.

Apeqqutit ullut qulit suliffiusut iluanni akineqarnissaat kissaatigaara.